



Inatsisartunut ilaasortaq,
Anders Olsen,
Siumut
Maani/

Kujataa pillugu § 37 naapertorlugu apeqqummut nr. 63-2025-mut akissuteqaat
Inatsisartut suleriaasianni § 37, imm. 1 naapertorlugu Kujataa pillugu Naalakkersuisunut apeqquteqaateqarsimavutit. Apeqqut suliaasaqarfigisannit akineqartussanngorlugu innersuunneqarpoq

1. Nanortalimmi aalisakkanut suliffissuaq, Islandimiut ingerlatseqatigiiffianit Arctic Prime Fisheries-init pigineqartoq, siunissami ullumisut ingerlaannassanersoq Naalakkersuisut uppersarsinnaavaat?

a) Taamaaangippat, sooq:

1-imut) Ingerlatseqatigiiffiup Arctic Prime Production A/S-ip massakkut Nanortalimmi aalisakkanut suliffissuarmik piginnittup siunissami ingerlatsinini ingerlatiinnarnissaanut akornutissaqanngilaq. Ingerlatseqatigiiffik Kalaallit Nunaanni nalunaarsorsimavoq nunanit allanit pigineqataaffiulluni. Piginnittuunermut maleruagassat Aalisarnek pillugu inatsisartut inatsisaanniittumi taamaallaat pisassiissutinik piginninneq pineqarpoq. Ingerlatseqatigiiffik Arctic Prime Production A/S pisassiissutinik pigisaqanngilaq, taamaallillunilu maleruagassanik taakkuninnga sunnerneqarnaviarnani.

Aalisarnermut inatsisip atuutilersinneqarneranut atatillugu ilaatigut Nanortalimmi tunisassiorfimmut suliffissuarmut nioqqutissiassanik pilersuinerup ingerlaannarnissaa qulakkeerniarlugu attuumassutilinnik suliaqartunik Naalakkersuisut oqaloqateqarlutik aallartilerput.

2. Naalakkersuisut Kujataani aalisarnerup talittarfissallu ineriartortinnissaat qulakkeerniarlugit pilersaaruteqarlutillu suliniuteqarpat?

a) Aappiuppat, suut?

2-mut) Naalakkersuisut siuliisa Kujataani aalisarnerup piniarnerullu iluani ineriartortitsisussamik suleqatigiissitaliorneq aallartissimavaat, kisiannili ajorluartumik unissimavoq suliniutinut sumiiffimmi najugalinnit isummersuutinik tigusaqartoqarsimannginnera pissutigalugu. Suliniutit pitsaanerpaamik ingerlanneqartarput, sumiiffimmi najugallit sumiiffimmi pissutsinik ilisimasalinnit ingerlanneqaraangamik, tamanna pissutigalugu sumiiffimmi najugallit suliniutissanut Naalakkersuisoqarfinniit aallartinneqarsinnaasunut tapersorsorneqarsinnaasunullu isummersuutaannik katersillunga Kujataani piffinnut assigiinngitsunut angalanissara ulluni 28. juuni – 2. juuli atorluarusuppara. Kingusinnerusukkullu sumiiffimmi ingerlatsisut peqatigalugit qanoq ililluta ingerlaqqinnissarput naliliiffigisinnaajumaarparput.

Inussiarnersumik inuulluaqqusillunga

Peter Borg

Aalisarnermut, Piniarnermut Nunalerinermut Imminullu pilersornermut Naalakkersuisoq

23-06-2025

Suliap normua: 2025 - 12631

All. nr. 25452226

Postboks 269

3900 Nuuk

Oqarasuaat (+299) 34 50 00

Fax (+299) 34 63 55

E-mail: apn@nanoq.gl

www.naalakkersuisut.gl